



大藏一覽集卷第七

寧德優婆塞陳

實

謹編

第六門。欲超三界輪回是假三乘修證

凡六品有一百五十三則

四眾品第四十二

入道品第四十三

聲聞品第四十四

緣覺品第四十五

菩薩品第四十六

等覺品第四十七

四眾品第四十二

在家二眾優婆塞優婆夷。出家二眾比丘比丘尼。附八部并外道五十八則

○塵勞迫近猶牢獄。法門寬廓若虛空

要集舉涅槃云。在家迫近猶如牢獄。一切煩惱。因之而生。出家寬廓猶如虛空。一切善法。因之增長。帳字函第四卷

法苑舉婆沙云。於此家中。父母兄弟。妻子眷屬。車馬等物。唯一。莫求無有。默足。家是難滿。如海吞流。家是無足。如火少薪。家是無息。覺觀相續。家是苦性。如冤詐親。家是障礙。能妨聖道。家是鬪亂。共相違諍。家是多瞋。呵責好醜。家是無常。雖久失壞。家是衆苦。馳求守護。家是顛倒。貪着假名。家是伎人。種種妄飾。家是變異。貪必離散。家是假借。無有實事。家如眼夢。富貴則失。家如朝露。頃更變滅。家如蜜滴。其不甘少。家如棘藜。欲刺傷人。如是等患。不可具載。是故在家菩薩。當如是觀。知其家過。妻子眷屬。一切財物。不能作救。作歸。非我善友。宜當捨之。

善子函
第二卷

○一朝暫掛福田衣。○多劫不經諸苦趣。

要集舉大緣經云。以一日夜出家。故二十劫不墮三惡道。出家偈曰。流轉三界中。因愛不能脫。棄恩入無為。真實報恩者。帳字函
第四卷○四十二章經云。佛言。除髮為沙門。受道法。去世資財。乞求取足。日中一食。樹下一宿。辨兩第七卷。○要覽舉五德福田經云。一者發心出家。懷佩道故。二者毀其形好。應法服故。三委棄身命。遵崇道故。四求割親愛。無適莫故。五志求大乘。為度人故。三千威儀經云。家人所作務業。一者坐禪。二者誦經。三者勸化衆事。若具足作三業者。是應出家人法。若不行者。徒生徒死。唯有受罪之因。帳字函
十七卷

○若乃為僧若受戒。不事神天不拜親

要覽舉梵網經云。出家人法。不合禮拜。國王父母六

親亦不敬事鬼神。又順正理論云。諸天神眾不敢希

求受五戒者禮如。國君至尊亦不求比立禮拜。懼損

福德及壽命故。帳字函○要覽云。父母返拜者。以其出

世而為禮抑。又拜其法服戒體故也。本起經云。父王淨

飯禮佛足者。又摩耶經云。摩耶長跪佛前。五體投地。而

說偈言。稽首頭面禮無上大法王

○能受出家并勸首。○超於造塔與餘功

出家功德經云。佛說自出家受人出家勸人出家所得

功德勝布施等一切功德。以諸功德中。此功德為上

又云。若放男女奴婢人民出家。功德無量。又如起七

寶塔。高至三十三天。不如出家功德。甚字函

○愛道出家初不聽。○阿難再請乃方容

大愛道白佛。我聞女人精進可得沙門。四道願得受佛

法律。佛言且止。無樂去以母人入我法中。服我法衣者

當盡壽命。清淨潔已。究暢梵行。無邪念心。空寂為樂。時

大愛道即復哀求願佛見度。如是至三。佛不聽之。退於

門外。淚出如雨。自悔惡態。有八十四迷亂丈夫。使失道

德。天下男子無不為女人所惑者。佛知深諦。故不度爾

阿難即為白佛。我從佛聞。母人精進可得沙門。四道今

大愛道居家有信。曉知無常。自審欲態。深知已諦。今欲

出家願佛許之。佛言止止。所以者何必危清高之士。故譬如族姓之家生子多女少男者。當知其家欲微不盛。今使母人入我法律。必令佛法清淨。梵行不得久住。佛言阿難。是大愛道。多有善意。於我有大恩。我生七日。母亡育我。我今成佛。念彼恩重。假使母人作沙門者。有八敬法。當盡形持。一者比丘持大戒。女人比丘尼當從受正法。不得輕慢調戲。故二者比丘持大戒。半月以上比丘尼當禮事之。無亂新學之意。三者比丘比丘尼不得並居同止。四者自相檢校。若有邪語。受而不報。聞若不聞。見若不見。五者自省過惡。不得高聲大語。現其欲彼六者得問比丘經律之事。不得共說世間不急之事。七

者若犯法律。當於半月誦眾懺悔。八者比丘尼雖百歲持大戒。當處新受大戒比丘下坐。謙敬作禮。是八敬法。盡壽行之。聽為沙門。

○吾佛正法千年久。尼母為徒減半長。

又云佛之正法。當住千歲。興盛流布。廣度一切。今以女人為沙門。故減五百歲。法稍衰微。所以者何。女人有五處不得作沙門。何等五處。不得作佛。不得作轉輪王。不得作梵天王。不得作天帝釋。不得作魔天王。如是五處。丈夫得作。復次女人譬若毒蛇。人雖殺之。是蛇已死。復有人見。心中驚怖。如此女人。雖作沙門。惡露故存。一切男子為之回轉。令不得道。

第一卷

○毗尼母經云。女人

不出家者佛之正法應住千年。今減五百年。一百年中得堅固解脫。一百年中得堅固定。一百年中得堅固持戒。一百年中得堅固多聞。一百年中得堅固布施。初百有解脫。○猶字函。堅固法。○第二卷。

○女雖五礙知本空。○佛記多生成正覺。

超日明經下云有慧施等五百女白佛。我今女身願發無上道意。欲轉女像。疾成正覺。度脫十方。時上度比丘謂慧施曰。不可以女身得成佛道。所以者何。女有三事。隔五事礙。何謂三。一。制父母。出嫁制夫。不得自由。長大難子。是為三。何謂五礙。一。曰女人不得作天帝釋。所以者何。勇猛少欲。乃得為男。雜惡多態。故為女人。不得作

天帝釋。二。曰不得作梵天。所以者何。奉清淨行。無有垢汗。修四等心。若遵四禪。乃升梵天。姪恣無節。故為女人。不得作梵天。三。曰不得作魔天。所以者何。十善具足。尊敬三寶。孝奉二親。乃得魔天。輕慢不順。毀失正教。故為女人。不得作魔天。四。曰不得作轉輪王。所以者何。行菩薩道。慈愍群萌。乃得作輪王。無有淨行。故為女人。不得作聖帝。五。曰不得作佛。所以者何。行菩薩心。愍念一切。解無我人。乃得成佛。而着色欲。身口意業。故為女人。不得作佛。時慧施女報上度曰。各植諸本。用獲果實。本有男女及報應耶。本有五處釋梵。輪王小道大道乎。上度答曰。無也。上無造者。何所成立。以是之故。吾取佛者。有

何難乎。取無所取。成無所成。覺無所覺。無取無捨。乃號為佛。亦無名號。假有字耳。佛言善哉。誠如所云。一切无処隨行而成。不合不散。不與不衰。無見無聞。無念無知。無言無說。乃成正覺。於時慧施及五百女。當如所願。轉成男身。佛授彼决。却後十劫。作佛名慧見如來。世界曰除冥劫曰光明。問字函

○本無女相如何轉。豈是女流當是觀。

維摩詰經云。室中有一天女說法。舍利弗言。汝何不轉女身。天曰。我從十二年來。求女人相。了不可得。當何所轉。譬如幻師。化作幻女。若有人問。何以不轉女身。是人為正問。不。舍利弗言不也。幻無定相。當何所轉。天曰。一

切諸法亦復如是。無有定相。云何乃問不轉女身。竹字

○寶積經云。阿闍世王女名無畏德。與諸大聲聞辯

論。皆不能及。爾時舍利弗白佛。此女奇哉。佛言。此女已

於過去九十億佛發菩提心。舍利弗言。能轉女身不耶。

佛言。汝見彼女。豈是女耶。汝今不應作如是見。何以故。

以是菩薩發願力故。示現女身。為度衆生。於是無畏德

作是誓言。若一切法非男非女。令我今者現丈夫身。說

此語已。即滅女身。現丈夫身。佛為授記。復過七千阿僧

祇。得成正覺。號曰離垢如來。世界名曰光明。制函九卷

○不知佛性男成女。識得家珍女即男。

涅槃經云。善男子。善女人等。聽是大涅槃經。當應阿責。

女人之相。求於男子。何以故。是大乘經典。有丈夫相。所謂佛性。若人不知。是佛性者。則无男相。所以著何。以是男子。不能自知。有佛性。故我說是等。名為女人。若有女人。能知自身。定有佛性。我說是等。即為男子。通字函第九卷

○沙門故。以道為號。長老良由德。乃稱。

要覽舉寶積云。沙門者。寂滅故。調伏故。受教故。身淨故。如實義。故得解脫。故離世。八法故。堅心不動。如地故。護彼我意。故於諸形相。無染著。如空中動手。無所礙。故成就多法。故名沙門。又婆耆尊者。偈曰。若能反本源。乃名曰沙門。○梵語比丘。秦言乞士。謂上於諸佛。乞法。資益慧命。下於諸主。乞食。資益色身。涅槃云。能破煩惱。故名。

比丘。○梵語芟芻。乃西天之草名。能具五德。一體性柔。

軟。喻出家人。能折伏身語。麤獷故。二引蔓。旁布。喻出家人。

傳法度人。連延不絕。故三馨香。遠聞。喻出家人。戒德芬馥。故四能療疼痛。喻出家人。斷煩惱毒。故五不背日。

光。喻出家人。常向佛日。故。○梵語具云。僧伽。唐言眾。今

畧稱僧。以和合。故有其六義。一戒和同修。二見和同解。

三身和同住。四利和同均。五口和無諍。六意和同悅。以

和為上。亦云和上。○梵語闍梨。唐言軌範。○大莊嚴經

云。長者不在。髮白面皺。所貴能修福德。滅去眾惡。淨

修梵行。是名長老。君字函第一卷

○念他粒飯。非容易。○付已無功。作麼當。

要覽引教二佛弟子受食時先誦三觀去聲端想自警然

後方食一計工多少量彼來處智度云此食墾植收穫

工其多一鉢之飯作夫流汗食少汗多僧二付已德行

全缺應供戒受屋母云若不坐禪誦經營三寶事及不持

三防心離過具等為宗明了論疏云出家先須防心三

與中味食起癡以此四正事良藥為療形枯形枯者即

不知慚愧墮二惡道五為成道業應受

此食患少食力衰中而食者如秤無高下○時非

時聽不聽已收入第三卷十善品可照

○有德萬金何足道○不求四事自然隨

永嘉云不思議解脫力妙用恒沙也無極四事供養敢

辭勞萬兩黃金亦消得粉骨碎身未足酬一句了然超

百億○宗鏡云若學大乘佛法者受施主搏食如須彌

山受施主衣可敷大地如不學者若未墮僧數十方無

唾地處駕字函第四卷

○苟若度人身未度○不獨沉他和我沉

智度云行者先求自度然後度人若未能自度而欲度

人者如不知浮人欲救於溺相與俱沒

○休求師者長中短○但取泥龍假上真

又云汝於法師莫念其短常生敬畏法師好惡非是我

事我所求者唯欲聞法以自利益如泥像木像無實功

德因發佛想故得無量福德立字函古德云供養泥龍

必有真龍降雨供養凡僧必有真僧降福

○比丘聽與二親供○分衛宜知五處遮

五分律云。陵伽婆蹉比丘。父母貧窮。欲以衣物供養。而不敢也。以是白佛。佛告諸比丘。若人百年之中。右肩擔父。左肩擔母。於上大小便利。極世珍奇衣服供養。猶不能報須臾之恩。從今聽諸比丘。盡心盡壽。供養父母。若不供養。得重罪。上字函第十卷○要覽舉善見律云。分衛此云乞食。○僧祇云。乞食分施。僧尼衛護。令修道業。故云分衛。○根本毗奈耶云。佛說比丘乞食。但遮五處。一唱令家。二媼女家。三酤酒家。四旃荼羅家。五王家。

○多事苦求無厭足○諸禽因以亦相離

僧祇律云。佛告營事比丘。汝莫復為房舍惱亂世人。錢財難得。布施亦難。過去世時。有跋處比丘。止住林中。時有釋軍多鳥。亦集此林。晨夕鳴亂。惱彼比丘。不得入定。佛告比丘。欲令此鳥不來耶。答言。願爾佛告比丘。汝於日暮。眾鳥歸時。各乞一毛。晨朝去時。亦如是乞。比丘依教。早晚就乞。各惠一毛。爾時眾鳥。作是念言。今此沙門。常乞恐我等不久。毛衣都盡。不能復飛。當如之何。即別求棲。佛告比丘。鳥獸尚惡。多求。况復世人。汝等比丘。莫為勞事。多欲多求。令彼信心居士。苦捨財物。優字卷第六卷

○僧癡俗怯俱無識○生惱成冤自取殃

法苑舉大集云。有育龍女。而白佛言。我於因地。曾作農

夫有一比丘來從我乞求五十錢。我時報言。聽待穀熟。當與汝食。比丘復言。願乞十文。我於爾時。瞋彼比丘。乃至十文亦不相與。時彼比丘心生懊惱。然我後時。因往寺林。盜取十菴羅果食之。彼業因緣。地獄受苦。惡業未盡。作餓龍身。常為諸虫食。噉膿血。苦惱。又彼比丘以瞋忿心。惡業緣。故作小毒龍。生我腋下。啖於我血。不可堪忍。投佛解脫。佛為說法。小龍即出。同白佛言。久近脫此。佛告龍言。此業大重。汝五無間。何以故。若四方常住僧物。或現前僧物。篤信施物。或華果樹園。飲食湯藥。牀蓐。教具。一切所須。私自費用。持乞親知。此罪重於阿鼻果。

添字函
第六卷

○無欲分上。惠顯風。○清冷雲中。霹靂火。

遺教經云。白衣受欲。非行道。人無法自制。瞋猶可。怒出家行道。無欲之人。而懷瞋。甚不可也。譬如清冷雲中。而霹靂起火。非所應也。堂字函

○持戒辛菜。尤成厭。○在道邪偷。豈可為。附不捨

楞嚴經云。是諸眾生。求三摩提。嘗斷五辛。謂葱蒜熟食。謂葷菜

發姪。生啖增恚。是食辛人。縱能宣說十二部經。十方天

仙。嫌其具穢。咸皆遠離。福德日銷。魔為眷屬。○復告阿

難。汝修三昧。本出塵勞。姪心不除。塵不可出。縱有禪智。

必落魔道。上品魔王。中品魔女。此是先佛第

一決定明誨。若不辦姪。修禪定者。如蒸砂石。欲其成飯。

經百千劫終不能得復次殺心不除塵不可出縱有禪
智必落神道上品爲大力鬼神品飛行夜叉下品地行
羅刹是佛第二決定明誨若不斷殺修禪定者譬如有
人自塞其耳高聲大叫求人不聞逐次偷心不除塵不
可出縱有禪智必落神道上品精進中品妖魅下品邪
人是佛第三決定明誨若不斷偷修禪定者譬如有人
水灌漏卮欲求其滿終無平復阿難是衆生雖則身
心無殺盜婬三行已圓若大妄語未得謂得未證謂證
言我已得聲聞菩薩求彼禮懺貪其供養佛記是人未
殖善根沉三苦海我滅度後勅菩薩等應身末世度諸
輪轉或作沙門白衣居士人王宰官婬女寡婦姦偷屠

販與其同事稱讚佛乘令其身心入三摩地終不自言
我真菩薩真阿羅漢泄佛密因唯除命終陰有遺付是
佛第四決定明誨若不斷大妄語者如刻人糞爲栴檀
形欲求香氣無有是處第六卷。如金剛經云如來是
真語者實語者如語者不誑語者不異語者。如楞嚴
經云比丘不蹋生草况以手拔云何大悲取諸衆生血
肉充食。如正法念經云若見道邊遺落之物唱是誰
者若有人言此是我物問其相實乃還若無人認七日
持行唱之又無主認懸高顯處令人見之若言他物問
何處失相應者與終無識者停至三月若塔園中得即
作塔用僧園中得四方僧用十四卷。如戒品經云善

薩當淨法與人。况起人媼。後四則對治前之妄殺盜媼也。

○眠狂入定遭行染。○初中後樂罪何逃。

摩訶僧祇律云。若比丘尼共三種媼。人與非人。畜生復有三種。若覺若眠若死。皆波羅夷罪。比丘尼若眠若心狂。若入定有人就上。行媼。比丘尼覺若初中後受樂者。波羅夷罪。若眠狂定被媼覺已。初不受樂。中後樂者。若初中不樂於後樂者。皆波羅夷。若初中後俱不受樂。無罪。云何受樂不受樂者。譬如人飢得種種美食。彼以食為樂。受欲樂者亦復如是。不受樂者。譬如好淨之人。以種種尸繫其頸上。不受樂者亦復如是。

○狂病行欲那為犯。○散亂無心亦復然。

檀字函 第六卷

五分律云。有一比丘狂病行媼。狂老生疑。問佛。佛言。狂者不犯。若散亂心病壞心亦如是。和字函 第八卷

○常住護持猶眼目。○衷私輒取失人身。

要集問云。何故盜用僧物罪偏重耶。答曰。施主本捨一毫一粒。擬供十方。鼓鐘一響。遐迹同聞。聖凡受用俱成。道業真資。施主得益無邊。招善既多。獲罪寧少。今見愚癡衆生。苟貪福物。將用資身。或食噉僧食。或受用花菓。或以僧畜乘騎。或將僧奴隨逐。或私借貸僧物不還。或以官勢伺求僧過。如是等損具列難。盡靜思此咎。豈不痛心。令護不與者。非是慳惜不惠。蓋愍白衣慮受來苦。若將與者。非直損俗。亦及知事。未來生處同受其殃。

又舉寶印經云。佛法二物不得互用。由無與佛法物作主。復無可諮白。不同僧物。常住招提。互有所諮。若用僧物修治佛塔者。依法取僧和合得用。不和合者。勸俗人修若佛塔有物。乃至一錢已上。以施主重心。故捨諸天及人於此物中。應生佛想塔想。乃至風吹爛壞。不得寶供養。以如來塔物。無人作價也。○罪福決疑經云。或施主本擬作釋迦。改作彌陀。本作大品。改充涅槃。本作僧房。改供僧食。本施二衆。改入一衆。本擬十方。回入現前。皆違反施主。計錢多少。滿五成重。減五得蘭。故四分律云。許此處乃與彼處。皆犯罪也。准此文檢校。佛像有餘彩色。不得作菩薩聖僧等形。以師徒位別。故不得互

用。乃可作餘莊嚴具。還將供養佛。不犯。若施主情通。一鋪佛像。任意莊嚴。通作無罪。○五百問事律云。用佛彩色作鳥獸形。得罪。除在佛前供養。不犯。問曰。今時齋上有佛錢。未審此錢入何等用。答曰。若施主本心造像。只得造像。不得別用。十四字函。○莊椿云。盜常住一文錢。一日一夜長三分七釐。利第二日夜。利上又長利。同前三分七釐。等來世作牛馬償之。牛日還八文。馬日還七文。所以云。作一生之容易。為萬劫之艱難。若捨一文錢入常住。一日一夜長福亦爾。第九篇

○莫謂僧財欺可取。○須知閻老不相饒。法苑舉誦律云。官吏工匠惡賊。於僧有損益者。佛開

知事出僧物看待。並得無犯。此非俗人合消。但開知事不看待者。於佛僧有損。聖字函第二卷○僧祇律云。若比丘知僧物有應與。不應與。云何應與。若損者。若益者。云何損者。有賊來寺索種種食。若不與之。則起燒劫。雖不應與。畏作損事。隨多少與。云何益者。若治衆僧房等。泥木盡工。應與。前食後食。非時漿等。若勢力者。應與飲食。是名益者。應與。優字函第三卷○此二段節畧本經備詳

○僧離能合坐天樂。○僧合。離陷獄憂。

五分律云。調達作是念言。我既不能害佛。唯當破其和合。僧耳。佛語調達。若僧已破。能和合者。其人生天。一劫度樂。若僧和合而破之者。墮地獄中。一切受苦。甲字函第三卷

○護僧不許加刑譴。○治者從而獲罪殃。

要集舉十輪經云。佛言。若諸比丘依佛法出家。一切天人阿修羅等。皆應供養。若護持戒。不應譴罰閉繫。則其手足。乃至奪命。若有破戒比丘。爲諸煩惱結使所壞。猶能開示天龍人非人等。無量功德珠寶。伏藏。是以依我出家。若持戒。若破戒。我悉不聽。輪王大臣。譴罰繫閉。加諸鞭杖。乃至斷命。况復餘輕犯小威儀。破戒比丘。雖犯禁戒。其戒勢力。猶能利益無量天人。譬如燒香。香鉢雖壞。熏他令香。破戒比丘。亦復如是。自墮惡道。能令衆生增長善根。以是因緣。一切白衣。皆當守護。尊重供養。不應輕蔑。譴罰奪命。佛說偈言。摩訶華維。於諸餘華。

破戒諸比丘猶勝諸外道又舉薩遮尼攃經云若破塔寺若取佛物若有沙門持戒破戒或繫閉打或令還俗或斷其命若犯如是根本重罪決墮地獄受無間苦以王國土行此不善諸仙聖人出國而去大力諸神不護其國大臣諍競水旱不調劫賊縱橫人民飢餓疫癘疾病死亡無數不知自作而怨諸天

雜字函
第二卷

○為僧雖聽二親許○作母曾違累世貧

五分律云淨飯王聞佛已度羅睺羅出家便大懊惱白佛言佛昔出家上有難陀不能令我如今懊惱難陀已復出家餘情所寄唯在此子今復出家家國大計永為斷絕情何可忍王又推已而白佛言子孫之愛徹過骨

髓何諸比丘誘以為道願佛從今勅諸比丘父母不聽不得出家佛為王說種種妙法示教喜利仍戒比丘從今父母不聽不得度

上字函
第七卷

○老女人經云時有貧窮

老女人問佛生老病死因緣聞之開解阿難白佛是老女人何以智慧乃爾佛答是我前世發意學道時母也阿難問是母何貧乃爾佛言拘留秦佛時我欲作沙門是母慈愛不聽我去我愁一日不食由是五百世貧今者壽盡當生彌陀佛國後六十八億劫當作佛號波捷

國名化華

致字函

○捨后為尼由證果○障耶在俗罰為烏

孝雜寶藏經云昔優陀羨王有一夫人名曰有相王甚

愛敬國法。王者不自彈琴。爾時夫人恃於王寵。遣王彈琴。自起爲舞。王素善相觀。其夫人死相已現。不過七日。王即撫琴長嘆。夫人求問。王不肯答。殷勤不已。王以實告。夫人憂懼。即白王言。我聞石室比丘尼說。若能信心出家一日。必得生天。願王聽許。三愛情重。言至六日。當聽汝去。至六日已。語夫人曰。若得生天。必來見我。我乃聽去。作是誓已。便得出家。受八戒齋。其日命終。乘是善緣。得生天上。故來見王。王問何天。答云。王婦。王命就坐天。答觀王臭穢。叵近。但以先誓。故來一見。王即歎言。彼本我婦。出家一日。便得生天。神志高遠。而見鄙賤。我今何故而不出家。我曾聞說。天一爪甲。直闔浮地。我此一

同何足可貪。捨位與子。出家修道。得羅漢果。帳字函第四卷○付法藏經云。闍夜多尊者。將諸弟子詣德义尸羅城。憐然不悅。以見一烏。欣然微笑。弟子問之。尊者答之曰。我初至城。見一鬼子。稱母入城。爲我求食。經五百歲尚自未出。飢虛不濟。若見我母。願語早來。果見彼母。直說子意。母言入城。七反成壞。未嘗得人一唾。今遇少唾。欲得出城。共子分食。城門多有大力鬼神。畏不敢出。我即將他同出。見子先食。我聞鬼言。受苦長遠。是以慘然。時彼烏者。過去劫中。我欲出家。父母不聽。強爲娉妻。得子已年六歲。我復欲去。父母教兒抱住我脚。啼哭而言。父若捨我。依誰養活。先當殺兒。然後可去。由彼兒故。不得出

家。從是九十一劫流轉五道。未曾得見。今以道眼觀見。彼烏。乃是前子。愍其愚癡。久處生死。是以微笑。若復障人出家。罪報惡道。後生人中。生盲無目。是故智者見人出家。方便成就。勿作留難。帳字函 第四卷

○兒孫反謗吾家法。○此輩無慚真闍提。

涅槃經云。純陀問佛。一闍提者。其義云何。佛言。比丘比丘尼。優婆塞。優婆夷。發露惡言。誹謗正法。心無慚愧。如是等人。名為趣向一闍提道。字函 第十卷

○出家雖勝在家者。○在家修勝出家兒。

優婆塞戒經云。在家之人發菩提心。勝於一切。辟支佛果。出家之人發菩提心。此不為難。何以故。在家之人多。

惡因緣所纏繞。故發菩提心。諸天皆大驚喜。作如是言。我今已得人天之師。剋字函 第一卷

○身披緇服。心猶俗。○頭帶烏巾。念乃僧。

法蘊足論云。有一類補特伽羅。正信出家。身參法侶。心猶顧戀。所愛諸欲。是名身出家。二。有一類補特伽羅。雖畜妻子。受用上妙衣食珍寶。而於諸欲不生耽染。是名身在家。而心出家。三。有一類補特伽羅。正信出家。身參法侶。於諸欲境。心無顧戀。是名身心俱能出家。四。有一類補特伽羅。畜養妻子。上妙受用。深生耽染。是名身心俱不出家。白字函 第六卷

○白佛出家何得果。○今渠斷結自成功。

雜阿含經云釋摩男白佛如佛所說優婆塞義在家白衣具丈夫志歸命三寶自言我是優婆塞者云何而得須陀洹果乃至阿那含耶佛言斷除身見戒盜及疑網等三結已成須陀洹更不復受三塗之身於無上道生決定信人天七返盡諸苦際入於涅槃又問云何而得斯陀含果佛言斷三結已薄婬怒癡名斯陀含又問云何而得阿那含果佛言若斷三結及五下分成阿那含時釋摩男等五百人聞斯法已而白佛言諸在家者獲此勝利一切咸應作優婆塞端字函第六卷

○但發修行正覺心○便是出家必芻性

無垢稱經云諸童子言我聞佛說父母不聽不得出家

無垢稱言汝等童子但發無上正等覺心勤修正行是即出家是即受具成必芻性白字函第二卷

○菩提苟易紅塵證○如來應不雪山修

長慶注楞嚴云在家菩薩又不得錯會經旨將謂不勞諸佛戒法但悟無功用道也且看如來為太子時須往雪山修行身心寂靜方得悟道若是在家作得佛者如來終不雪山去也所以如來為汝眾起箇樣子今人若摠似無垢稱龐居士則不勞出家其或未然也須轉身始得第四卷

○由作二因善不善○乃為八部人非人

舍利弗問經云八部鬼神以何因緣生於惡道而常聞

正法佛言以二種業。一以惡故生於惡道。二以善故受於快樂。又問善惡二異可得同耶。佛言亦可得耳。○天神者先以車舉舍宅飲食供養三寶父母賢勝之人。猶懷慳嫉故。○虛空龍神者修德行檀不依正念。急性好瞋故。○夜叉神者好大布施。或先捨空。後加饒益。隨功勝負故。在天上空中地下。○乾闥婆者好施。有瞋獻伎樂故。○阿修羅神者志強喜施。不隨善友所作淨福。好逐幻偽作諸邪福故。○迦婁羅神者先修大捨高心。凌物故。○緊那羅神者昔好勸人發菩提心。未正其志。逐諸邪行故。○摩睺羅伽神者布施護法。性好瞋恚。故如是皆由依附邪師。以邪亂正。俱謂是道。以自建立。受函八卷

○外道妄立。從茲始。○調達仇酬。自尔端。

央掘魔羅經云。佛告文殊。世間建立外道。因緣往劫。有佛名拘孫陀跋陀羅。出世無外道名。唯一大乘法。欲滅時。有一比丘名曰佛慧。時有善人施無價衣。獵師見之。生劫盜心。夜將比丘至深山中。壞身裸形。懸手繫樹。有採花婆羅門見彼比丘。先着袈裟。而今裸形。必知袈裟非解脫。因自懸苦行。是直奉道。彼人即捨衣。拔髮作裸形。沙門從爾而起。爾時比丘自得解縛。即取樹皮赤石塗染。以自鄣蔽。結草作拂。用拂蚊蟲。又有婆羅門見已。念言。是比丘捨先好衣。着如是衣。投如是拂。當知是解脫道。即奉彼法出家。婆羅明從是而起。時彼比丘暮入

水浴因洗頭瘡即取水衣以覆瘡上取牧牛人所弃弊衣以覆其身時有樵者見已念言是比丘先着袈裟而今悉捨必知袈裟非解脫因被髮弊衣日夜三浴修習苦行當知是解脫道即李彼法苦行婆羅門從是而起比丘浴已身軀多瘡蠅蜂嘍食即以白灰處處塗瘡水衣覆身時有見者謂言是道即李彼法灰塗婆羅門從是而起時彼比丘然火炙瘡瘡轉苦痛不能堪忍投岩自害時有見者作是念言是比丘先着好衣今乃如是當知然火投岩是解脫道投岩是火後是而起如是九十六種皆因是比丘種種形類起諸妄想各自生見猶如鹿渴於炎水想追逐之死止法滅時因彼比丘非法

法想可復如是量字函。宗鏡云外道派出枝流至佛出時有六大師謂富闍那迦葉姓也計不生不滅末伽梨拘賒梨子計眾生苦樂元有因緣自然而爾闍夜毗羅胝子計眾生時熟得道八万劫苦尽自解脫阿耆多翅舍欽波羅龕衣也計罪報之苦以投岩拔髮代之迦羅鳩馱迦旃延計亦有亦无犍陀苦提子計業所作定不可改犢子計色是我離色有我色中有我我中有色合二十身見駕字函。華嚴會上第二十一位知識遍行外道告善財言閻浮提內九十六衆各起異見而生執着我悉於中方便調位令其捨離所有諸見乃至普及十方世界悉亦如是籍字函。經律異相云諸比

丘啓佛調達有何重嫌懷結乃爾佛云不但今生世世如是往世有梵志女端正殊妙諸梵志法凡欲處女與明經者請諸同學五百之衆供養三月察其所知時五百中一人博達而年初老面醜眼青父母憂愁女亦懷惱於時遠方有一梵志少俊妹好聞彼欲處於女尋往難問五百梵志皆窮無詞父母與女喜納為婿年尊梵志曰傷我年高勿奪其婦但我所得施遺之物悉回與卿年少答曰不可越法以從人情我應納之其年老者心懷毒惡即相毀辱世世所在與卿作冤佛告諸比丘爾時老梵志今調達是少梵志我是女瞿夷是。又云昔有比丘調達聰明廣孝十二年中坐禪入定復意轉

退漸生惡念著世利養至世尊所禮足白言願說神足之道佛告神足且置何不學四非常義調達次往舍利弗及目連所求神足道亦皆語曰止止始行之人先學四非常復修四禪乃得神足道耳調達怒不見教問弟阿難乃與說之調達聞已專心一意以籠入微復從微起還至於籠以心舉身以身舉心身心俱合漸漸離地初如胡麻轉如胡桃漸離地際從地至床從床至屋從屋至空在虛空中作十八變涌沒自由化作嬰兒在阿闍世太子膝上作諸變化日給五百金食時諸比丘以此白佛佛答汝等勿貪調達供養調達自陷亦陷他人二俱墮罪如芭蕉樹愚人求實不能尅獲

○調達害佛而反傷。暴志加佛而自欺。

舉法句經云調達與阿闍世王共議毀佛。即勅國人不得奉佛。調達白王。明日請佛入城。飲五百象醉。令蹋殺之。吾當作佛教化世間。王往請佛。佛知其謀。答言大善。明日食時。佛領眾入城。是時醉象。擗揆牆壁。折敗樹木。一城戰慄。象齊起。佛舉五指為五師子。同聲俱吼。震動天地。醉象伏地。垂淚悔過。王及臣民莫不驚肅。王白佛言。稟性不明。信彼讒言。興逆造惡。願垂大慈。佛告王。民世有八事。興長誹謗。皆由名譽。以致大罪。何等為八。利衰毀譽。譏稱苦樂。自古及今。豈不為惑。同上。○舉出生經云。佛遊舍衛國波斯匿王。請佛及僧。有比丘尼。名

曰暴志。木魁繫腹。猶似懷妊。乃五年佛衣。汝為我夫。從得有娠。不給衣食。天人四眾。莫不驚惶。三界之尊。降伏諸邪明。起日月。不可汙染。時天帝釋。化作一鼠。齧彼魁繩。墮地。眾會覩之。瞋喜交集。怪其所以。王瞋此尼。謗於大聖。掘地倒埋。佛諭勿爾。是吾宿罪。過去世時。有客賣珠。而且明。一女就買。欲成有一男子。倍價爭之。女復從求。畢竟不與。心懷瞋恨。願我在在所生。當報汝冤。時男子則我是女者。暴志是此。自往緣。非特今也。同上。

○調達雖逆。陷泥犁。如來復讚為知識。

智度論云。提婆達多。調達種種變態。動王子心。立大精舍。得大供養。而徒眾甚少。提婆達多自念。我有三十相。

滅佛未幾真以弟子未集若大眾圍遶與佛何異如是
思惟生心破僧得五百弟子後舍利弗說法教化僧還
和合提婆達多便生惡心推山壓佛金剛力士以杵遙
擲碎石迸來傷佛足指華色比丘尼呵之復拳於尼尼
即眼出而死作三逆罪復與邪師富蘭那外道等為親
厚斷諸善根復以惡毒着指爪中欲因禮拜以中傷佛
往而未到於王舍城地自然裂火車來迎生入地獄德
兩第四卷 大棄十法經云淨無垢妙淨寶月王光菩薩白
佛言云何可取提婆達多是善知識復是如來久遠親
近是怨家者佛告善男子若無提婆達多善知識者不
顯如來諸佛功德服字四

○波旬幾處作威來。伎倆盡時歸向去

因果經云菩薩將成道時魔王恐諸眾生皆歸空我境
界持箭以射菩薩不動箭化成花復令三女供給以亂
定意菩薩不納三女忽然咸變惡形不能自復魔王前
白菩薩汝若不樂人間受樂我捨天位及五欲具悉持
與汝菩薩答言汝於先世修少施因今故得為自在天
王此福有期要還下生沉溺三塗非我所須我昔曾以
頭目髓腦國城妻子而用布施不可稱計求無上道汝
今不應惱亂於我魔王慙怖還宮韓字函 月藏經云
佛在大集會上說法魔王波旬亦作神變復無能為即
說偈曰 我今皈依佛世尊。從是終不起惡心。瞿曇心

定容怒我我當守護佛正法論字函 第二卷 婆沙論問何故

名魔答曰。斷慧命故名魔。復次常行放逸。害自身故名

魔。魔言殺何故名波旬。答曰。常有惡意成就惡法。故名波

旬。波旬秦言惡也。規字函 第二卷

入道品第四十三 十則

。分別善根三等異。良由種子爾多差

婆沙論云。善根有三種。一福分善根。二解脫分善根。三

達分善根。福分者。能作人天種子。若在人中。生豪貴家。

作輪王等。若在天中。作帝釋魔王梵王等。解脫分者。能

作解脫種子。決定不退。因必至涅槃。達分者。謂煖法。至

世第一法。分字函 第五卷

。創能一植解脫因。極速三生方入道

順正理論云。諸有創植順解脫分。極速三生。方得解脫

謂初生植順解脫分。次生成熟。第三生起順次擇分。即

入聖道。第一字函 第一卷

。隨信行人從聞入。隨法行人乃慧修

毗婆沙論云。若信他言入聖道者。名堅信。若自思惟入

聖道者。名堅法。以定入聖道者。名堅信。以慧入聖道者

名堅法。規字函 第二卷 毗曇心論云。隨信行非利。是信他法

得行義也。隨法行利根。是智慧。不信於他義也。未離欲

界。欲趣向於初果。名向須陀洹果。都字函 第三卷 婆沙論云。

隨信隨法行人。超越異生地。未得預流果。問何故名異

生地答一切聖者皆名同生此異於彼故名異生離字四第五卷

○少善為何能解脫。一心回向證菩提

婆沙云有人以一搏食施能種解脫分善根至有能作般遮于瑟此云五年大會也而不能種解脫分善根或有持一日齋能種解脫分善根至有終身持戒而不能種解脫分善根或有誦持一偈能種解脫分善根至有善通三藏文義而不能種解脫分善根何以故若以此事回向解脫涅槃永離生死有如是勇猛心者是則能種解脫善根若不如是回向雖多布施終身持戒廣學多聞而不能種解脫善根有近有遠近者前身中種此身成熟來身解脫遠者曾種經那由他世受身而不能生達分

善根聲聞所得解脫分善根可回向趣辟支佛辟支佛所得解脫分善根亦可回向趣佛分字函第五卷

○戒定慧初離縛結。聞思修後觀門開

解脫道論云戒定慧謂解脫道戒者威儀義定者不亂義慧者知覺義解脫者離縛義後次戒除惡業垢定除纏垢慧除使垢又以三種善伏道謂初中後善以戒為初以定為中以慧為後云何戒為初善者有精進人成就就不退以不退故喜以喜故踊躍以踊躍故身猗以身猗故樂以樂故心定此謂初善定為中善者以定如實知見慧為後善者已如實知見狀患以狀患故離欲以離欲故解脫又以戒除惡趣以定除欲界以慧除一切

有第一卷發菩提心論云。修習禪觀由三法生。謂聞思修慧。云何聞慧。如所聞法。心常愛樂。無有厭足。云何思慧。思念觀察。一切有為法。如實相。謂無常苦空無我不淨。念念生滅。不久敗壞。即生厭離。趣佛智慧。云何修慧。謂離欲不善法。漸次修入。命字函

○一貫顯宗之全章。備見歷修之有序。

自此入修不淨息念二觀漸起煖頂忍世第二法四種加行之功也

顯宗論云。已先安住清淨尸羅。及聞思修。將趣見諦。由何門入。於是即說頌曰。入修要二門。

不淨觀息念。貪尋增上者。如次第應修。

論曰。修行多種。依二門入。一不淨觀。二持息念。且不淨

觀治貪息念治。尋先辯不淨觀相。頌曰。

為通治四貪。且辨觀骨鑠。廣至海復畧。

名初習業位。除足至頭半。名為已熟修。

繫心在眉間。名超作意在。

論曰。修不淨觀。正為治貪。略有四種。一顯色貪。二形色貪。四供奉貪。對治四貪。依二思擇。一觀內尸。二觀外尸。二觀外尸。利根者先於內身皮為邊際。足上頂下。周徧觀察。令心厭患。若鈍根者。煩惱猛利。難可摧伏。藉外緣力。方能制治。故先明了觀察外尸。斬令自心煩惱摧伏。謂彼初觀外尸時。先起慈心。往施身處。觀外尸相。以況內身。彼相既然。此應亦爾。應修八想。伏治四貪。為治顯

色貪故修青瘀相。及黑赤相。為治形色貪。故修被食想。及分離想。為治妙觸貪。故修破壞想。及骸骨想。為治供奉貪。故修胖脹想。及膿爛想。惟緣骨鎖。修不淨觀。通能伏治。如是四貪。約所修行。說有三位。一初習業。二已熟修。三超作意。且修不淨觀時。應先繫心於自身分。或於足指。或於眉間。或臍頰中。隨所樂處。專注不移。最初繫心。假想自身足指等處。下至能見錢量白骨。由勝解力。漸廣漸增。乃至具見全身骨鎖。觀行未成。但由想力。觀行成已。復由慧力。此位未成。故由想轉。見全身已復。方便入緣外白骨。不淨觀門。謂為漸令勝解增。故觀外骨鎖。在已身邊。漸徧一牀。一房。一寺。一園。一里。一邑。一國。

乃至徧地。以海為邊。於其中間。骨鎖充滿。於所廣事。漸畧而觀。乃至惟觀自身骨鎖。齊此漸畧。不淨觀成名。初習業位。為令畧觀勝解。漸增於自骨中。復除足骨。漸次上至除頭半骨。思惟半骨。繫心而住。齊此轉畧。不淨觀成名。已熟修位。為令畧觀勝解自在。除半頭骨。繫心眉間。專注一緣。湛然而住。齊此極畧。不淨觀成名。超作意位。應知至此。不淨觀成。以无貪為性。諸所應為。比皆究竟。故次辯持息念者。頌曰

息念慧五地

緣風依欲身

二得實外無

有六謂數等

論曰。阿那者。謂持息入。是引外風。令入身義。阿波那者。謂持息出。是引內風。令出身義。又說阿那者。能持來。阿

又那者能持去。出入息念能持身風。謂胎外位。先於齋
處業生風起。穿身成穴。如藕根基。最初有風來入身內。
乘茲口鼻餘風。續人此初及後。名入息風。內續風出。名
出息風。如鍛金師。開橐囊口。自然風入。入已按之。其風
還出。風性法爾。實無入出。如是因顯風義。正明二息持
息念故。定慧得成。此念所依。惟通五地。謂依欲界靜慮
中間及初二三靜慮。近分由此。但與捨根相應。為對治
尋修。此念具有其六。一數。二隨。三止。四觀。五轉。六淨。且
數謂繫心。數入出息。從一至十。不減不增。恐心於境。極
聚散故。中有三失。一數減失。二數增失。三雜亂失。復有
三失。一太緩失。二太急失。三散亂失。若十中間心散亂

者。復應從一次第數之。終而復始。乃至得定。凡數息時
應先數入。以初生位。入息在先。乃至死時。出息最後。如
是覺察死生位故。於非常想。漸能修習。隨謂繫心。隨入
出息。念入出息。為短為長。為遠至何。復還旋返。隨彼息
入。行至疾心。齊髓解膝。脛腓足指。念恒隨逐。止謂繫念
惟在鼻端。或在眉間。乃至足指。隨所樂處。安止其心。觀
息住身。如珠中縷。觀謂觀察。此息風已。兼觀息俱。大種
造色及依色住。心及心所。具觀五蘊。以為境界。轉為移
轉。緣息風覺。安置後後勝善根中。謂念住為初。至世第
一法淨。謂昇進入見道等。為後。名轉盡智等。方名淨息
相。自字西。修入二門。心得定已。復何所修。頌曰

依已修成止 為觀修念住 以自相共相
觀身受心法

論曰。已修成止。以為所依。為觀速成。修四念住。以自相共相觀身受心法。謂修觀者。專心一趣。分別此法。與所餘法。有差別。義名觀。自相分別此法。與所餘法。無差別。義名觀。共相。復次。觀自相者。謂觀察身諸處。別相。觀共相者。謂觀諸處。同是身相。如是觀身不淨。治於不淨。謂淨。顛倒觀。反是。苦能治於苦。謂樂。顛倒觀。心非常。能治非常。謂常。顛倒觀。法非我能治。非我。謂非。顛倒觀。如人已觀。身體不淨。亦不欣樂。從善所生。是故已觀。身體不淨。於五取細。皆不欣樂。便能摠伏後三念住。如是能順決

擇思所成攝善根說已。即修所成。生何善根。而說頌曰

從此生煖法 具觀四聖諦 修十入行相
頂第一亦然

論曰。從修所成。順決擇分。初善根起。名為煖法。是摠緣共相法。念住著別。如是所修。能燒煩惱。薪聖道火前相。如鑽火位。初煖相生。能具觀察四聖諦境。由此具修十。六行相。觀苦聖諦。修四行相。一非常。若無二苦。隨相惱故。謂之苦。三空。觀察本无。四非我。不自在。故觀集聖諦。修四行相。一因。生相。似因果。二集。能生。流轉。三生。能牽。生死。謂之。四緣。能相。和合。緣。觀滅聖諦。修四行相。一滅。生。死。相。違。二靜。故。謂之。靜。三妙。故。謂之。妙。四離。故。謂之。離。觀道聖諦。

修四行相。一道能至非品二如不釀不箇三行三足所
行之四出未起生死。○注文參用是故行者修此爇已次
起頂法猶如山頂人不久住若無諸難必過此山至於
彼山若遇諸難即便退還若無諸難必到於忍既入忍
位於四諦境極堪忍故次起世第一法世中勝故如是
觀四諦境惣修十六行相漸近見諦緣欲苦諦修一行
相惟一刹那謂無間入離生位決定無相續理從斯後
邊復生何道即說頌曰

世第一無間

即緣欲界苦 生無漏法忍 忍次生法智

次緣餘界苦 生類忍類智 緣集滅道諦

各生四亦然 如是十六心 各聖諦現觀

論曰從世第一善根無間即緣欲界苦聖諦境而生無

漏法忍生此忍故名爲法智謂所苦法無始時來身見

忍可現前各苦法忍如緣欲界苦聖諦境有苦法忍苦

此能引後苦法智生如緣欲界苦聖諦境有苦法忍苦

法智生如是復於法智無間惣緣餘界苦聖諦境有類

忍生名爲類忍此忍無間即緣此境有類智生名爲類

智最初證知諸法真理故名法智此後境智如緣苦諦

欲界及餘生法類忍法類智四緣餘三諦各四亦然即

緣一一有四心義如是次第有十六心惣說名爲聖諦

現觀以於三界四聖諦境次第現前如實觀故是名現

觀同字函第十卷

○自利修持心狹劣。由他開悟聲聞乘。華嚴云。上品十善。以智慧修習。心狹劣。故怖三界。故關大悲。故從他聞聲而解了。故聲聞乘。

○四向四果解脫僧。○有學無學賢聖輩。

達磨論下云。四果中間所有諸道。及前見道。名為四向。

隨在彼果前。即名彼果向。如有八補特伽羅。補特伽羅。此云。數取趣。謂教數。謂行四向。及住四果。○般若經云。

斷三結名預流果。三結者。一。身見。謂執有我。故二。戒禁。謂不。薄貪。癡。名。一來果。於施無著。是名。貪。薄。於乞者。提。是。名。斷。順。下。分。五。結。求。盡。名。不。還。果。二。戒。禁。取。一。身。癡。四。貧。欲。斷。順。上。分。五。結。求。盡。名。阿。羅。漢。果。上。五。結。色。受。謂。色。界。

斷三結名預流果。取。謂。執。一。身。見。謂。執。有。我。故。二。戒。禁。謂。不。薄。貪。癡。名。一來果。於施無著。是名。貪。薄。於乞者。提。是。名。斷。順。下。分。五。結。求。盡。名。不。還。果。二。戒。禁。取。一。身。癡。四。貧。欲。斷。順。上。分。五。結。求。盡。名。阿。羅。漢。果。上。五。結。色。受。謂。色。界。

斷三結名預流果。取。謂。執。一。身。見。謂。執。有。我。故。二。戒。禁。謂。不。薄。貪。癡。名。一來果。於施無著。是名。貪。薄。於乞者。提。是。名。斷。順。下。分。五。結。求。盡。名。不。還。果。二。戒。禁。取。一。身。癡。四。貧。欲。斷。順。上。分。五。結。求。盡。名。阿。羅。漢。果。上。五。結。色。受。謂。色。界。

斷三結名預流果。取。謂。執。一。身。見。謂。執。有。我。故。二。戒。禁。謂。不。薄。貪。癡。名。一來果。於施無著。是名。貪。薄。於乞者。提。是。名。斷。順。下。分。五。結。求。盡。名。不。還。果。二。戒。禁。取。一。身。癡。四。貧。欲。斷。順。上。分。五。結。求。盡。名。阿。羅。漢。果。上。五。結。色。受。謂。色。界。

斷三結名預流果。取。謂。執。一。身。見。謂。執。有。我。故。二。戒。禁。謂。不。薄。貪。癡。名。一來果。於施無著。是名。貪。薄。於乞者。提。是。名。斷。順。下。分。五。結。求。盡。名。不。還。果。二。戒。禁。取。一。身。癡。四。貧。欲。斷。順。上。分。五。結。求。盡。名。阿。羅。漢。果。上。五。結。色。受。謂。色。界。

愛二无色受。謂无色界。三。无明。謂心。令所有集法皆。不了。四。掉。謂心。躁動。五。慢。謂心。自高。

成滅法名獨覺。菩提。求斷一切習氣。相續。各無上菩提。

○婆沙論云。學人者。須陀洹。斯陀含。阿那含。無。

學人者。阿羅漢。辟支佛。在字函。第八卷。○顯宗論云。何名有學。

謂學意未滿。故學。何名無學。謂阿羅漢。諸自利行。修學。

已成。惟應作他利益事故。○復次。盡智未生。前七聖者。

皆名有學。○知已生。便成無學。阿羅漢。蘇密。第二卷。

○初二三結難解。○九十八使尚應除。

婆沙論云。順下分結。下有二種。謂界下。有情下。由初二。

結過患重。故不超欲界。由後三結過患重。故不越異生。

乃立此五為下分結。初之二結。猶如獄卒。後之三結。如。

防邏者。如有罪人禁在牢獄。有二獄卒恒守御之。不令輒出。復有三人常為防邏。彼人設以親友財力傷害獄卒。走出。三防邏者還執將來。閉置牢獄。牢獄即喻欲界。罪人即喻異生。二獄卒者喻初二結。三防邏人喻後三結。若有異生以不淨觀傷害貪欲。復以慈觀害於瞋恚。離欲乃至無所有處。生初善慮。乃至有頂。彼有身見戒。禁取疑。還執將來。置欲界。復次預流一來。所起諸結。順生下故。猶復現起。似異生業。謂著雜綵塗飾香花。受畜金銀珠玩寶物。亦與男女同處。一赫行非梵行。名為似異生業。復次五順上分結。謂色貪無色貪。貪掉舉慢無明。惟不還者所起諸結。順上分故。離字函第九卷。法數云十使。

一令見二瞋三癡四慢五疑六身見七邊見八見取九禁戒取十邪見。如是十使能遍三界之中。分於四諦之下。變成九十八使。攝入見諦思惟二門。見諦惑八十八使。欲界苦諦下具有十使。集諦下滅諦下各有七使。並除身見邊見戒取道諦下有八使。除身見邊見。共三十二使。色界苦諦下有九使。除瞋集諦滅下各有六使。除瞋及身見邊見戒取道諦下有七使。除瞋及身見邊見。共二十八使。无色界四諦下皆如思惟惑十使。色界除亦共二十八使。都計有八十八使。皆如思惟惑十使。欲界四使謂貪瞋癡慢。此使從斯陀含向入修道斷。乃至阿羅漢向用修道智斷。色界三使貪瞋癡。此三使並是阿羅漢向用修道智斷。無色界三使貪瞋癡。此三使並是阿羅漢向用修道智斷。但此使亦是羅漢向斷。至果方尽。

六欲且非定修地。○八智可除煩惱根。
婆沙論云。欲界是不定界。非修地。非離欲地。色無色界

是定地修地離欲地不可以緣不定界智斷定界結。○
又問云何八智謂法智比智他心智等智苦智集智滅
智道智復次法智猛利不多用功能斷不善無記煩惱
譬如利刀能斷於鐵何況草木彼亦如是比智非利多
用功力乃能斷無記煩惱何能斷不善煩惱譬如鈍刀
雖多用功能斷草木何能斷鐵耶隱字函第十卷○大婆沙問
云何為智答五識相應慧有三種一善二染三無覆無
記善者謂惟善得善染汚者謂惟修所斷貪瞋癡相應
無覆無記者謂異熟生意識相應善有二種一有漏二
無漏有漏有三種一加持得二離染得三生得加持得
者謂聞思修聞所成慧謂於文義如理決擇思所成慧

謂不淨觀持息念及念住等修所成慧謂煖頂忍世第

一法現觀邊世俗智以世俗智為自世故無量解脫勝處等離染

得者謂淨慮無量無色解脫勝處等生得者謂生彼地

法爾所得善無漏有二種一學二無學學謂學八智無

學謂盡智諸煩惱不盡無生智已知苦不應更知乃至

无生第五卷

○初果七生方羅漢。復劫八萬入菩提

婆沙論云須陀洹初入聖流故名預流惟受七有中

苦際須陀洹各為一來雖斷欲界九品惑阿羅漢

阿那含名為不還雖斷欲界九品惑阿羅漢

存四義一者應供二者殺賊三者遠四者阿羅漢

惡四者不生謂三界惑已更不生也正文并出三卷

毗曇心論。二乘聖人所斷煩惱分別九種。下品三種。下下。中。中下。中中。中上。上品三種。上下。上中。上上。篇字函 第三卷。涅槃經云。須陀洹果。經八萬劫。得阿耨菩提心。須陀含果。經六萬劫。阿那含果。經四萬劫。阿羅漢果。經二萬劫。辟支佛道。經十千劫。得阿耨菩提心。篇字函 第二卷

○良為衆生根器異。○所以如來廣畧談

毗婆沙論中間如阿毗曇說。斷八十八使。各須陀洹。以何等故。說若斷三結。各須陀洹。答曰。為受化者。智有深淺。說對治法。譬如醫師。觀病投藥。亦不投其病不愈。若多投者。唐捐其功。佛亦如是。為利根者。說斷三結。為

鈍根者。說斷八十八使。各須陀洹。如跋耆子。於佛法中。出家制二百五十戒。生憂慮心。而白佛言。我今不堪守護諸戒。佛言。汝能善學三戒耶。謂戒心慧。彼人歡喜。答言。我能學此三戒。次第能學一切諸戒。若如來說。斷見道。所斷八十八使。各須陀洹。則受化者。心生憂慮。何能拔此八十八煩惱之樹。度八十八煩惱大河。竭八十八煩惱大海。摧八十八煩惱之山。修此八十八對治之道。若說斷三結。名須陀洹。此受化者。喜以為易。若斷三結。則斷見道。一切諸使。所以者何。此三結。謂身見。戒取。疑身見。是六十二見。諸煩惱之根本。戒取。是種種邪苦之行。疑。是猶豫。不了。篇字函 第六卷

○四靜慮并四無量○八解脫并八勝處

大乘相論下云。四靜慮者。離生喜樂。名初靜慮。定生喜樂。名第二靜慮。離喜妙樂。名第三靜慮。捨念清淨。名第四靜慮。如是等四。皆寂止相。欲界等貪心不流動。是名靜慮。孰字函。○禪法要解經云。佛法微妙。未得修定。智慧。六何等量。諸法實相。是以離欲惡不善法。除捨五蓋。集諸善法。深入一心。有覺有觀。離生喜樂。入初禪。問曰。得初禪相云何。答曰。先以正念呵止五欲。得未到地。身心快樂。證初禪相。轉復增勝。身輕心定。瞋處不瞋。喜處不喜。世間八法所不能動。至於衣服飲食等。心不貪著。但以諸善功德為貴。得初禪已。進求二禪。○若有漏道。

於二禪地。邊馱患。竟觀。如欲界五欲五蓋。令心散亂。初禪竟觀。惱亂定心。亦復如是。若无漏道。離初禪欲。即用无漏初禪。阿耨耨觀。問曰。如初禪結使。亦能亂心。何故但說竟觀。答曰。竟觀滅結使。亦滅。復次。本未曾得竟觀。大喜。以大喜故。壞破定心。以破定故。應當除捨。內得清淨。无竟。无觀。定生喜樂。入於二禪。問曰。云何是二禪相。答曰。經中說。言滅諸竟觀。若善若无記。以无竟觀動故。內心清淨。如水澄清。无有風波。星月諸像。悉皆照見。定生喜樂。妙勝初禪。初禪喜樂。從離欲生。此中喜樂。從初禪定生。如是二禪。定有煩惱覆心。所謂愛慢邪見疑等。壞破定心。當求斷滅。以進三禪。問曰。若不若。佛何以說。

離喜行捨。得入三禪。答曰。得二禪大喜。一心過。若心變着喜。生諸結使。以是喜故。為煩惱本。問曰。五欲不淨。則應當捨。是喜淨妙。衆生所樂。云何言捨。答曰。先已曾答。生着因緣。則是罪門。喜為貪樂。今欲捨。而求細樂。故言離喜。更入深定。以求妙樂。云何第三禪樂。世間最樂。无有過者。此三禪中。有其三過。一者。心轉細沒。二者。心大發動。三者。心生迷悶。當應一心念此三過。若心沒時。以精進智慧力。還令心起。若大發動。則應攝心。若心迷悶。應念佛法微妙。還令心喜。當當守護。治此三心。是名巧念。慧行樂。入第三禪。窟者。為喜根。細者。為樂根。譬如極熱。得清冷水。持先手面。是名為喜。入清涼池。奉身

沐浴。是名受樂。既得三禪之樂。一心守護。常恐退失。則為是惱。是故樂復。為患。當求離樂。譬如人求富貴之樂。求時既苦。得之无厭。則復為苦。得已守護。亦復為苦。行者患樂。亦復如是。求初禪樂。以竟觀。惱乱。故捨二禪。大喜動。故捨三禪。知樂无常。難守。故捨。以是故。當捨此樂。求於四禪安隱之地。問曰。依禪定樂。捨於欲樂。今依何等。而捨禪樂。若捨禪樂。得何利益。答曰。依涅槃樂。能捨禪樂。而得三利。所謂羅漢。辟支佛。以道是故。捨三禪定。行於四禪安隱快樂。以三乘道。隨意而入清淨涅槃。問曰。云何第四禪。相答曰。如佛說。四禪相若。斷樂斷苦。无憂无喜。不苦不樂。護念清淨。入第四禪。以滅憂苦。喜

樂四事故念清淨問曰上三禪中不說清淨此何獨說
答曰初禪資觀未定二禪喜大發動三禪樂心多故並
皆念不清淨復次下地雖有定心出入息故令心雖攝
四禪念清淨故无出入息故心則易攝復次第四禪名
為真禪餘三禪者方便階梯是四禪相譬如善御良馬
隨意所至欲行四无量心四无色定等隨意皆得欲得
六通求之亦易音字函。顯宗論九地謂四淨慮未至
中間及三无色摩字函。婆沙論淨慮地未至及淨慮
中間此二俱名未至地問曰此地何故名未至耶答未
入根本能現在前斷諸煩惱故名未至音字函。智度
論云入初禪是名有資有觀初禪二禪中間是名无資

有觀從二禪乃至非有想非无想定是名无資无觀立

函第八卷。問曰資觀有何差別答曰資觀心相名資觀細心相

名觀初緣心中發相名資後分別等量好醜名觀建函

○婆沙論云惟欲界及初淨慮未至定中有尋有伺淨

慮中間无尋唯伺第二淨慮乃至有頂无尋无伺退字函

○法蘊足論云尋謂尋求離欲惡不善法伺謂伺察離

欲惡不善法問尋与伺有何差別答曰心麤是尋心細

是伺此復如何如打鍾時麤声喻尋細声喻伺弟字函

○尋伺与資觀禪定与淨慮告各異而義同。般若經云四无量者依諸淨

慮復能引發慈悲喜捨四種无量音字函。○大集法門
經上云佛說若有苾芻發起慈心徧於十方一切世界

一切種類廣大行慈而无邊際名慈无量悲喜捨三亦復如是目字函。○智度論云大慈与一切衆生樂。大悲拔一切衆生苦。問曰如何是小慈小悲。答曰四无量心中慈悲名爲小。十八不共法次第說大慈悲名爲大。復次諸佛心中慈悲爲大。餘人心中爲小。問曰菩薩何言大慈大悲。答曰菩薩大慈於佛爲小。於二乘爲大。此是假名爲大。復次小慈但心念与衆生樂。實无樂事。心憫其苦。建字函。○般若經云八解脫者謂有色觀諸色是第一解脫。内无色想觀外諸色。是第二解脫。淨勝解身作證。是第三解脫。超一切色想滅有對想不思惟種種想。入无边空。定具足住。是第四解脫。超一切空无边

入无边識。定具足住。是第五解脫。超一切識无边。入无少所有。定具足住。是第六解脫。超一切无所。有。入非想非。想。定具足住。是第七解脫。超一切非想非。想。入滅想受定具足住。是第八解脫。出字函。○婆沙論問解脫是何義。答曰背弃義。問曰若背弃是解脫義者。何處解脫。背何處。心。答曰初解脫第二解脫皆背弃愛心。第三解脫皆背弃不淨心。空處解脫皆背弃下地法。乃至非想非。想。處解脫非皆背弃下地法。乃至非想非。想。處解脫非皆背弃下地法。解脫皆背弃一切有緣心。慈字函。○法集經云八勝處者。有色見色。知彼色中得自在。見是名初勝處。内身有色相。見外色好醜。知彼色中得自在。見是名第二勝處。内

身有色相見外色无量若好若醜知彼色中得自在見
是名第三勝處內身有色相見外色少若好若醜知彼
色中得自在見是名第四勝處內身有色相見外色青
譬如優摩歌華青色青光知彼色中得自在見是名第
五勝處內身有色相見外色黃譬如伽尼歌羅華黃色
黃光知彼色中得自在見是名第六勝處內身有色相
見外色赤譬如勝頭視婆華赤色赤光知彼色中得自
在見是名第七勝處內身有色相見外色白譬如優沙
私多羅華白色白光知彼色中得自在見是名第八勝
處二卷

○第九次第非想定○滅及從无相修

般若云九次第定 謂四靜慮四無色 定滅想受定出字

九卷○宗鏡問住滅 定者於八識中滅何等識答滅六識

以第八識持身契 經說住滅定者身語心行無不皆滅

而壽不滅亦不離 煖根無變壞識不離身若全無識應

如瓦鑠豈得說為住滅定者加馬字函○大毗婆沙論云

無說心者其性羸劣腐敗萎歇要住強勢堅勝之心弓

能修故在無想定者滅盡定謂彼無心要有心者方能

修故生無想者有說生彼於一切時善心不起有說雖

起而非修所依以不能修未來法故勸字函

○為甚一禪分四種○由生異見許多般

宗鏡云禪有四種一作異計忻上厭下而修者是外道

禪二信正因果亦不忻厭而修者是凡夫禪三了生道理證偏之道而修者是小乘禪四達人法二室而修者是大乘富字函

○坐禪念起魔乘隙○斫柱看來躄自傷

宗鏡云心震万变或坐禪或在定魔境千差茫然不識昔有禪師在山間坐見一孝子擎一死尸來向師前哭云何故殺我阿母師知是魔境便於柱上取斧一斫孝子走去後覓股上顯乃看見血不期自斫○又有禪師坐時見一猪來即把猪鼻一拽叫把父來乃是把自鼻乃正坐禪時心中起見遂感外魔來入但修正定可存魔事富字函

○羅漢無生猶有退○醯迦七返自殘傷

婆沙論云阿羅漢有六種一退法二億法三護法四等住五能進六不動然退法者退億法者心生厭憶持刀而欲自害護法者於已解脫心生愛樂善能守護等住者不退不進能進者進至不動者動者住本根不動故

規字函○云何阿羅漢有九種答曰退法阿羅漢成就

二種根下下中憶法成就下上根護法成就中下根等法成就中中根能進成就中上根不動成就上下根辟支成就上中根佛成就上上根○復次佛說瞿醯迦

阿羅漢六返退即厭患退故以刀自害而死第八卷

○凡夫致罪刑猶重○聖種同愆責且輕

婆沙云如二人犯王法一是凡庶便致重刑一是王子但遭阿責如是異生及預流者俱作惡業而諸異生非聖種故所造惡業招惡趣苦一切預流是聖種故惡業但招人天輕苦鳥字函第五卷

○止觀明於生滅相○三魔元是等持心

起信論止觀二門止者謂止一切境界相隨順奢摩他

觀境性觀者謂分別因緣生滅相隨順毗婆舍那觀如

現察諸法自性○第九卷○宗鏡問如何行於止觀得契真修

但了能觀之心所以觀之境各各性離即妄心自息此各

為止常作此觀不夫其照故名為觀斯則即止即觀即

觀即止無能所即名止觀如先德云法法寂然名止

寂而常照名觀非能所觀有其二事修字函第十卷○般若音

釋云三摩地門亦云三昧此云等持謂持正持心也亦

云正定收字函

○入聖已離五怖恐○修心能伏四魔怨

婆沙云四果聖人已離五恐怖一不活怖尚不愛身二

惡名怖不於他所希求供養三大眾怖一切世間無

四死怖離我我想五惡道怖自知死已決定○正文仁

八卷住出華嚴三十四卷○淨印法門經云以無所為心即能降諸

魔當知有四一者蘊魔二者煩惱魔三者死魔四者天

魔若伺察無生無起之法能降死魔俱時依止一切意

法趣向滅道能降天魔復次知苦能降蘊魔斷集能降

煩惱之魔證滅降死魔修道能降天魔密字函第五卷

○儻知入流無所入。○便薦一來無所求

金剛經佛告須菩提於意云何須陀洹能作是念我得須陀洹果不須菩提言不也世尊何以故須陀洹名為入流而無所入不入色声香味觸法是名須陀洹須菩提於意云何斯陀含能作是念我得斯陀含果不須菩提言不也世尊何以故斯陀含名一往來而實無往來是名斯陀含須菩提於意云何阿那含能作是念我得阿那含果不須菩提言不也世尊何以故阿那含名為不來而實無不來是故名阿那含須菩提於意云何阿羅漢能作是念我得阿羅漢道不須菩提言不也世尊何

以故實無有法名阿羅漢世尊若阿羅漢作是念我得阿羅漢道即為著我人衆生壽者

緣起品第四十五 五則

○直能自悟甚深法不從他教獨覺乘

華嚴經云上品十善修治清淨不從他教自覺悟故大悲方便不具足故解了甚深因緣法故成獨覺乘酸字卷五。婆沙論問曰辟支佛復云何答曰辟支佛獨出世者當知如佛如渴伽獸獨生一角彼亦如是五分字函第佛即獨覺之異名

般若經云十二緣起無明緣行行緣識識緣名色名色

緣六處六處緣觸觸緣受受緣愛愛緣取取緣有有緣
生生緣老死復以無所得為方便思惟無明滅故行滅
行滅故識滅識滅故名色滅故名色滅故六處滅六處滅
故觸滅觸滅故受滅受滅故愛滅愛滅故取滅取滅故
有滅有滅故生滅生滅故死滅為字函。婆沙論云時
分緣起謂十二位立十二支一一支中各具五蘊於可
愛境由無知故起貪着時此中無知即是無明有貪着
者是行了別境者是識識俱諸蘊是名色名色所依諸
根是六處六處和合是觸能領觸者是受欣所受者愛
愛增廣是取引後有業是有諸蘊起是生諸蘊熟變是
老諸蘊滅壞是死內熱是愁哀泣是悲五識相應不平

等汝是苦意識相應不平等受是憂心惟是惱

火字函
第三卷

觀彼草木榮還枯○悟自形骸亦復爾

婆沙論問曰有生滅觀彼以何為方便耶答曰彼行者
見春時草木青色如紺琉璃見河駛流浮沫著岸作是
思惟此諸外法令已復生若入聚落見諸男女歌舞戲
笑問之何爾答曰此中生男生女復思內法令已復生
後於秋時又見草木風霜凋零河水枯涸彼復思惟如
此外法令已復滅若入聚頭見諸男女死亡啼哭內法
亦滅行者見如此相自觀已身壯老無常誰能免者

五函
卷第

○菩薩品第四十六 二十六則

○自他兼利悲心重。○福慧齊修菩薩乘。

華嚴經云上品十善修治清淨心廣無量故具足悲愍故方便所攝故發生大願故不捨眾生故希求諸佛大智故淨治菩薩諸地故淨修一切諸度故成菩薩廣大行第五卷

○菩提一躰成三種。○菩薩初心勝二乘。

破諸魔經上云佛告迦葉婆羅門若菩提有三種謂聲聞菩提緣覺菩提無上菩提若人雖以菩提心但樂自利以求解脫故名聲聞菩提又復有人雖發菩提心於大乘法不樂修習但起心念觀諸緣法隨所觀察而行故名緣覺菩提又復有人發生阿耨多羅三藐三菩提心

已復勸他人發如是心於輪迴身不生厭倦與欲利樂一切眾生皆令解脫以已善利普施一切故名為無上

菩提

微字

○智度論問曰羅漢辟支是離欲人或有凡夫

尚未離欲但發心者云何得勝答曰發心菩薩有其二種一者行諸波羅蜜二者但密發心行菩薩道雖事未成能勝二乘何以故譬如太子雖未即位勝諸大臣有位富貴者如一大道羅漢將一沙彌令負衣鉢沙彌念言當以佛乘於入涅槃師知其念即取衣鉢自擔遜彼前行沙門後復思惟佛道甚難久住生死受無量苦且以小乘早入涅槃師復以鉢囊還沙彌擔令在後行沙彌白師師年老耄如小兒戲師即答曰汝初發心作佛

是心貴重位是我師是故推汝前行汝心還悔欲取小
乘去我懸遠故令在後沙彌驚悟住大乘法隸字函八卷

○大小乘分五種異○廣狹道中有速遲

大乘莊嚴論釋云聲聞乘與大乘有五種相違一發心
異二教授異三方便異四住持異五時節異聲聞乘若
發心若教授若勤方便皆為自得涅槃故住持亦少福
智聚小時節亦少乃至三生得解脫故大乘不尔發心
教授方便皆為利他故住持亦多福智聚大時節亦多
經三祇劫故如是相違不應以小乘行得大乘果事字函第
卷○婆沙云依狹小道而得解脫名時解脫若極速弟
一生種善根第二生今成熟第三生得解脫依廣大道

而得解脫名不時解脫若極遲聲聞乘經六十劫而得
解脫如舍利子獨覓成經百劫而得解脫佛乘經三祇
劫而得解脫隸字函第一卷

○菩薩辨成如日耀○聲聞所作類如螢光

般若經云滿慈子白佛觀前義故讚諸菩薩所有功德
不讚聲聞佛告滿慈子曰輪與瞻部洲人作光明事螢
能作不滿慈子曰不也佛言如汝所說豈足薩成辨如日
輪光普照瞻部諸有情類聲聞所作如螢之光唯照自
身於是菩薩調伏自身煩惱亦度有情令離煩惱證入
菩提聲聞乘人唯調自身不能調伏諸有情故字函第二卷
○佛乘究竟唯抵一○如來方便說為三

法華經偈云 十方佛土中唯有一乘法無二亦無三
除佛方便說但以假名字引導於衆生說佛智慧故諸
佛出於世唯此一事實餘二則非真竹字函第一卷
○莊嚴佛土有多方○譬入大城非一路
圓覺經云譬如大城外有四門隨方來者非止一路善
薩莊嚴佛國及成菩提非一方便

○同流同事與相親○入水入泥而啓悟
又云菩薩變化示現世間非愛為本但以慈悲令彼捨
愛假諸貪欲而入生死 復次菩薩唯以大悲方便入
諸世間開發未悟乃至示現種種形相 迎順境界與其
同事化令成佛

○四念住處四正斷○四如意足五種根

諸法無行經云何觀四念處觀身不淨是身念處觀樂
皆苦是受念處觀心生滅是心念處觀壞和合相但得
法相是法念處常字函○般若經云四正斷亦云以無
所得而為方便於諸未生惡不善法為不生故於已生
惡不善法為永斷故未生善法為令生故已生善法令
安住故生字函○般若經云四如意足者謂欲三摩地
勤三摩地心三摩地觀三摩地一一地中斷行成就修
習神足三摩地者即欲定也斷行成就者即依止厭
對治不依止離性無依止滅惡法回向於捨依止厭
崗字論第五卷注○無盡意經云四如意分慈悲喜捨
文合論第五卷注

而為根本心調柔故得入初禪乃至四禪身得輕輒成
就如身輕心柔入如意令入如意已即生神通心得
自在隨意所往如風行空無所罣碍周字卷一。般若經
云五根者謂信根精進根念根定根慧根第六卷
無尺意經云何信根行世正見信於業報消除疑網故
云何進根攝修是法故云何念根所修不忘故云何定
根修心不乱故云何慧根以慧照了故周字卷一
○五力七覺八道支。○摠三十七菩提分從四念處至此
般若經云五力者信力精進力念力定力慧力第六卷
無盡意經云何信力如是信向魔不能壞故進力精進
堅固天人不能壞故念力住諸善法煩惱不能壞故定

力遠離憤鬧雖有所說不碍諸禪不捨於定亦不隨定
而能自在慧力知世間法出世間法無有一法能壞是
智世間外道苦行離行是菩薩為教化故亦悉現受同
其所行是出世法能過世者周字卷一。波沙論云問曰
何根此五名根名力各能生善法故名根能破惡法故
名力有說不可傾動名根能推服他名力周字卷一。般若
經云七覺支者謂念覺支擇法覺支精進覺支喜覺支
輕安覺支定覺支捨覺支。離依無染依滅回向捨轉
。無尺意曰云念覺分觀一切法自性皆空擇法覺分
能分別了義不了義進覺分勤修不退喜覺分所修法
喜故除覺分除諸煩惱故定覺分如所入定覺了諸法

捨資分不為世法所牽無着無碍故周字函一卷般若經云八聖道支者謂正見正思惟正語正業正命正精進正念正定辯字函六卷無尺意經云正見不起斷常見正思惟若思起於貪等是名不正思惟若思戒定智慧解脫解脫知見是正思惟正語凡所演說不令煩惱故正業修順理業故正命威儀不動無諸奸諂故正進入正講聖道故正念進向涅槃繫心不忘故正定決定不亂故翻字函一卷婆沙論問何故此七名竟支耶答竟為究竟竟即盡無生智或如實竟即無漏慧七為彼分故名為支擇法亦竟亦支餘六是支非竟。何故此八名為道支答所履通達故名為道八是彼分故名為支正見

亦道亦支餘七是支

非道靜字函第一卷

○次第五位以圓修。由歷三祇之數劫

楞嚴云善男子欲愛乾枯根境不偶純是智慧乾有其慧名乾慧地欲習初乾未與如來法流水接即以此心流入圓妙妄相滅尽中道純真名信心住。計一信心真信明了二念心夙念無妄三精進心精明進趣四慧心智慧現前五定心寂妙常疑六不退心明性深入七護法心保持不失八回向心回光向佛九戒心安住無為十願心所往隨願計一發心住心精發輝二治地住履心如地三修行住遊履無碍四生貴住入如來種五方便具足住資胤不缺六正心心相如佛七不退住

身心增長八童真住灵相具足九法王子住出為佛子
十灌頂住灌頂受職。行一歡喜行具佛妙德二饒益
行利益眾生三無嗔恨行利物無拒四無尽行通達十
方五離痴乱行得無差誤六善觀行異中現同七無著
行塵刹不碍八尊重行皆第一義九善法行圓佛軌則
十真實行一真無為向十回一救護一切眾生離中生相
回向度無所度二不壞回向壞其可壞其可壞三等一
切佛回向竟齊佛竟四至一切處回向發明無地五無
尽功德歲回向身上涉入六平等善根回向同於佛因
七等觀一切眾生回向性同眾生八真如相回向不即
不離九無縛解脫回向十方無碍十善法界無量回向

性得圓成如是四十一心次加四種妙行謂煖地頂地
忍地世第一地。地一觀喜地達佛境界二離垢地同
異性滅三發光地淨極明生四談慧地明極竟滿五難
勝地同異不至六現前地性淨明露七遠行地尽真如
際八不動地一真如心九善慧地發真如用十法雲地
慈陰妙雲層道深海如來逆流如是菩薩順行而至竟
際交入名為等覺後乾慧心至等覺已足竟始獲全剛
心中初乾慧地如是重重單復十二方尽妙竟成無二
道染字函。長續注後重地五位中各具十二或等
數乃名重重。唯識論五位者一資糧位謂修大乘順
解脫分二加行位謂修大乘順決擇分三通通達位謂

菩薩所住見道四修習位謂諸菩薩所住修道五究竟位謂住無上菩提九則字函第○大乘釋論三可僧祇者於中信行人初僧祇滿已浮心地通達真如六地已還證有相行七地無相有功用行得第二僧祇滿若入八地得無功用行然未成就彼無功用行九地十地滿無功用行是第三僧祇劫六字函

○餘乘至佛定三祇○圓教初心成正覺

長者論如三乘中十住菩薩孝生空觀對治聞提不信障十行菩薩作法空觀修自利利他行對治聲聞自利障十回向菩薩作法空觀成起悲願力垂行六道教化衆生對治獨覓自度障此三十心菩薩謂之三賢名資

糧加行位對治地前三種障但除正使未除習氣十地菩薩斷其餘習初地菩薩見自身真如佛性名見道位後二地至七地是修道位猶有功用而修其行從八地至十地名究竟位三卷十一地等覓住中普賢行方終十二地是妙覓佛果細十如是權教先行菩薩行孝假真如等觀地前伏忍十地以來猶有十真如障故為現當位真如成障所行之行並是有為所發菩提心並未離生滅所有能斷分別無名由觀拆伏十地之位方能見性經三祇劫方始成佛第二卷勝鬘經云菩薩成佛定滿三祇也五卷如圓教十住初首便只見性成正等覓行諸行相教化衆生即為覓行圓滿之佛一位即一

切位一切位即一位故十信滿心即攝六位成正等覺
依普賢法界帝網重重主伴具足故名圓教卷三奉法
華經龍女刹那成佛又華嚴經云善財一生取果初後
文殊發菩提心次第見德雲五十三知識一一皆云我
已先發阿耨菩提心云何教我奉法菩薩道行菩薩行
卷

○雖則初心成正覺。宛然似佛始相應。

又論阿羅漢辟支佛及淨土菩薩空觀菩薩但忻出世
行六波羅蜜總是折伏現行無明使令不起不得名為
永斷煩惱得成佛道。一乘佛果初發心時便達根本無
明是根本智成差別智大用法門初心之上圓滿諸佛

共所乘門若智悲願行毫釐不似佛信心亦不成何況
具而作供養勤求妙法然於諸佛出世涅槃終不分別
○五知過去莊嚴歲三昧此菩薩知過去諸佛出現劫
刹次第乃至調伏衆生壽命次第○六智光明歲三昧
此菩薩能知未來一切劫中所有諸佛已未說法皆悉
能知○七了知一切世界佛莊嚴三昧此菩薩能遍十
方世界現一切佛以至教化莊嚴悉皆盡見○八一切
衆生差別身三昧此菩薩入身入夜叉身起夜叉身入
龍身起乃至自身入佛身起刹那入三世起○法界自
在三昧此菩薩於自身一一毛孔中入此三昧自然能
知諸世間及諸世間法而作佛事得法界自在故○十

無碍輪三昧此菩薩住無碍身語意業住無碍佛国土
得無碍成就衆生智轉無碍清淨法輪作佛所作紹諸
佛種愛字函四十三卷至

○何覓普賢身不見○良言普眼位老殊

華嚴經云普眼菩薩白佛普賢菩薩今何所在佛言普
賢今現在此是時普眼求覓不見佛言普賢今此衆會
親近我住初無移動如是普賢若有得見若得聞名思
惟憶念皆獲利益爾時普眼與菩薩衆殷勤三請於是
普賢即為應身令菩薩衆皆見普賢近如來座衆皆歡
喜莫不頂禮愛字函長者論何故普眼不見普賢者為
明普眼十地菩薩皆出出世智慧普賢是十一地行門

常在世間出世心亡寂用自在以出世三昧不相應住
佛所住為佛真子若志不異願行平等大悲不異境界
不異過去未來劫與一念不異定慧照之可見是名依
佛菩薩正善知識依根本智慧心三十一卷

等覺品第四十七十地位十二則

○十定超於十地上○等覺隣於妙覺尊

華嚴經云佛告普賢為普眼等說十三昧三者正也令

得善入滿普賢行○一普光明三昧此菩薩以三千大

千世界為一蓮花坐此華上身中復現三千大界世界

其中有百億四天下一一四天下現百億身一一身入

百億百億三千大千世界現爾許菩薩修行乃至根性

圓滿然所現身非一非多入定出定無所錯亂長者論

土重相入遍周廣大無取故。二妙光明三此菩薩能入三千大千

世界微塵數三千大千世界於一一世界中復現三千

大千世界微塵數身乃至調伏三千大千世界微塵數

衆生種種穢淨不同菩薩悉知悉入是諸世界悉來入

菩薩之身無有雜亂亦不壞滅此明自他境界身心無礙。三次第

遍往諸佛国土神通三昧此菩薩過於東方無數世界

復過尔所世界微塵數世界於彼世界中入此三昧或

刹那入或一日入乃至不可說劫入後三昧起於一切

法不忘不失至於究竟此明以如幻智應物動寂依根本智恒無來往復此延促十餘

三昧至女自明更不釋。四清淨深心行三昧此菩薩過阿僧祇世

界諸世來所一一以種種理上妙香華諸莊嚴故以是不

見佛云現此衆會親近我住初無移動者為明摠別同

異普光明智与十方佛六用躰同名為衆會故以差別

智不移根本智躰名為親近我住初無移動故普眼殷

勤三請普賢如應現身自有為明智躰無所住故若有想

念即現應身猶如谷響但有應物之音若求處所了不

可得合論六十七卷

猶迷相數二般愚。未及無明一分障

長者論一佛相隨好無及二僧祇數量廣大佛乃自說

菩薩智所不及謂之二愚七對。宗鏡云等竟示及一

分無明猶如微煙或云如隔羅縠二十三卷

○前雖微障尚為碍○此有金剛可破除

莊嚴論偈云 修位二僧祇最後得受職入彼金剛定
破諸分別尽釋曰修位二僧祇最後得受職者二僧祇
謂第二第三僧祇最後謂究竟於此修位方得受職問
受職已更何所作答入彼金剛定破諸分別尽問因何
義故名金剛答分別隨眠此能破故以金剛喻事字函

○普賢何故不名佛○老婆安得便休心翻摩訶

華嚴云普眼白普賢言此摩訶薩得如是法同諸如來
何故不名佛不名十方不名一切智乃至何故以普賢
行猶未休息普賢答言此摩訶薩已能修習去來今世
一切菩薩種種行願入知自境界則名為佛於如來所修

菩薩行無有休息說名菩薩如來諸力皆悉已入則名
十力雖成十力行普賢行而無休息說名菩薩知一切
法而能演說名一切智雖能演說一切諸法於一一法
善巧思惟未嘗止息說名菩薩乃至此等分別皆悉永
息是則說名休息願者廣大修習圓滿未退則名未悉
普賢願者音字函○智度論云何故名摩訶薩於必定
眾中為上首故名摩訶薩何等為必定眾者性地人八
人須陀洹斯陀含阿那含阿羅漢辟支佛初發心菩薩
乃至阿鞞跋致地菩薩是為必定眾 又摩訶薩秦言
大立字函 又薩埵秦言象生是眾生為無上道故發
心修行名為大心以求菩提未得故名為菩提薩埵字

函第。此方好略即名菩薩
三卷。

○稽首文殊七佛師。為我眾生不取道勢觀音
普超三昧經云佛言我今得佛皆文殊之息本是我師
過去無央數佛皆其弟子當來者亦是息力所致文殊
乃佛道中父母也尔時眾念文殊既在佛前何不成佛
耶佛言文殊深入善權廣化眾生故未取道難四字函
室積云文殊願我成佛之時以恒沙諸佛世界為一佛
刹名為普見諸菩薩言文殊所得佛刹與彌施佛刹等
不世尊告言譬如有人折一毛為百分以一分於大海
中取一滴水喻弥陀佛刹莊嚴彼大海水喻普見佛刹
莊嚴復過於第十卷是第十卷。善第十卷。薩受記經云德威菩薩白

佛言觀世音得大勢二大士於何国一土成等正覺佛答
阿弥陀佛正法滅後現世音成等一土竟號普光功德山
王如来彼佛国土號曰眾宝善集。莊嚴般涅槃後得大
勢即於其國成等正覺号善住功德宝王如来改字函
大藏一覽集卷第七終

比丘 自警言 大願 果園 永助

信人 朱福全 朱普信 朱普壽 三福僧 盛竟宗

莊福善 藥福善 朱普昌 朱普盛 張福員

項竟禧 王福勝 王性海

信女 王妙善 陳妙願 葉妙明 朱妙海 陳妙善

鄭妙應 趙妙真 季氏善圓 尚氏善勝 莊妙慧

各施已財命人重新刊刻

大歲一見經板一副共十卷永遠印行流通所集功德回向
真如實際莊嚴無上佛果菩提上祝

皇圖永固

帝道遐昌

佛日增輝

法輪常轉

上報

四重深恩下濟三途極苦若有見聞者悉發菩提心
報身同生極樂國專願施財捨運力共結良緣善男信女
見生之五福咸臻他報之時二嚴俱備各及宿生父母累劫冤
親神竟乘此功德超昇淨竟佛聞法證果菩提伏願

三寶證明龍天洞鑒謹意

永樂十七年閏月初八弟子朱覺圓募緣重刊

